

Te Hiranga Te Reo Māori

Te Tautuhinga Aromatawai ā-Waho 2026



Te Paerewa Paetae	93003
Te Ingoa o te Paerewa Paetae	Te Hiranga Te Reo Māori ki Aotearoa
Te Marau	NZ Curriculum Kaupapa Ako Māori: Te Reo Māori
Te Tukanga Aromatawai ā-Waho	He Whakamātautau ā-Waho
Te Rā Aromatawai ā-Waho	1 o Tihema, 2026
Te Roa o te Aromatawai ā-Waho	E toru haora
Ngā Wātaka Aromatawai ā-Waho	1. Ngā Rā Aromatawai 2026 2. 2026 Examination Timetable

He Whakamātautau ā-Matihiko

He kōnae ā-matihiko te aromatawai ā-waho nei, e taea ai e ngā ākonga te whakamātautau nei te whakaoti i te rorohiko.

He tuinga rānei, he whakaahua pateko rānei, ko aua āhuatanga e rua rānei, ngā rauemi i te aromatawai ā-matihiko nei.

Mā te reo Māori anake e kawe ngā whakautu mō Te Hiranga Te Reo Māori.

E toru haora te roa o tēnei whakamātautau ā-waho, ā, e rua ngā wāhanga e whakamahi ana i ngā pūkenga reo torohū, me ngā pūkenga reo whakaputa o te ākonga.

Te Whakatakotoranga Aromatawai ā-Waho

Te Wāhanga Tuatahi: Te Pānui me te Tuhituhi

Kei tēnei wāhanga ka whakaatu te ākonga i tōna tohungatanga ki te whakamahi i ōna pūkenga reo torohū (pānui), i ōna pūkenga reo whakaputa hoki (tuinga roa) hei āta whakaō i ngā kaupapa huhua.

Te Tūmahi Tuatahi: He Pānui Aroā

- Pānuihia te tuinga roa, ka whakautu ai ngā pātai.
- He reo ā-iwi te momo, he kaupapa whānui mō tētahi tikanga, he kaupapa rānei nō roto o te ao Māori.

Te Tūmahi Tuarua: He Tuhinga

- Mā te ākonga e whiriwhiri tētahi kaupapa hei tuhinga roa māna.
- Kia kaua e iti iho i te rima rau kupu te roa o te tuhinga.

Te Wāhanga Tuarua: Te Whakarongo me te Kōrero

Kei tēnei wāhanga ka whakaatu anō te ākonga i tōna tohungatanga ki te whakamahi i ōna pūkenga reo torohū (whakarongo), i ōna pūkenga reo whakaputa hoki (kōrero) hei āta hao i ngā tini kaupapa.

Te Tūmahi Tuatoru: He Mahi Whakarongo (He Pāohotanga)

- E toru ngā rongotanga a ngā ākonga i te whakapāohotanga kōrero.
- He kōrero tautohe te hanga.
- Tekau mā rima meneti ka tukuna ki te ākonga ki te whakarāpopoto i te kōrero, nā reira me kaha arohaehae, me tīpako hoki te ākonga i te matū o ngā taha e rua.
- Me āta whakarongo te ākonga ki ngā whakataukī me ngā kīwaha.
- Mā te kaiwhakahaere ngā pukapuka katoa e kōhi.

Te Tūmahi Tuawhā: He Kōrero ā-Waha

- E rima meneti te roa o te whakaputa kōrero, ā, he kōrero tene te hanga.
- Ka haere te ākonga ki tētahi rūma motuhake, ki reira hopukina ai tana kōrero ki te kōpae e te kaiwhakahaere.
- Mā te ākonga e waitohu tana kōpae.
- Mā ngā kura e tuku mai ngā kōpae kōrero a te ākonga.

Me tukuna te oro ANAKE, kaua ko tētahi kiriata e whakaatu ana i te ākonga e kauhau ana. Mā te ECM te kōnae o te oro e tuku atu ki te PN o te kura, ā, mā te PN te kōnae oro e tuku atu ki Te Mana Tohu Mātauranga o Aotearoa (NZQA).

Ngā Herenga Aromatawai ā-Waho

Me tutuki tēnei whakamātautau ki mua i te aroaro o te Kaiwhakahaere Whakamātautau, ki te wāhi tū ai ngā whakamātautau ā-waho, ā, me whai i ngā ture whakamātautau anō hoki.

[NCEA - Assessment and Examination Rules and Procedures](#). I te wā o te whakamātautau, me aro anake ngā ākonga ki ngā rauemi kua whakaaetia mō te whakamātautau.

Kāore e whakaae te kawae i tuhinga kē, i rauemi tautoko kē rānei ki roto i te wāhi tū ai ngā whakamātautau. Ka 3 hōra te roa ki te whakatutuki i tēnei whakamātautau.

Me tuhi i ngā kōrero ki te reo Māori anake.